



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 58. Palinodia Patris Volantii Ordinis Fratrum Minorum.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

recensabantur, sed duntaxat hunc librum esse supprimendum pronuntiabatur. Sæcul. XVI.  
A.C. 1565.

## §. LVIII.

*Palinodia Patris Volantii Ordinis Fratrum Minorum.*

Ineunte Mense Majo cum Pater Franciscus Volant in Fratrum Minorum scholis Director præsideret actui vespertiarum, inter argumentandum edixit, Parvulos in fide parentum absque baptismo salvari: quam propositionem ut veram asserere visus fuerat post argumentationem, unde jussus est a sacro Ordine eandem die decima octava ejusdem Mensis revocare, quod etiam præstitit, estque illius palinodia his verbis concepta: *Delatus sum apud Dominos deputatos Sacratissimæ facultatis Matris mee a viris fide dignis, quod in actu quodam vesperiarum in hac nostra domo Franciscanorum, in qua præsidebam, inter argumentandum contra respondentem, cum intenderem probare parvulos in fide parentum, sine baptismo aque salvari, cumque postea multas auctoritates Doctorum ad eam rem adduxissem, tandem in fine argumenti mei hæc addidi, & verum est, ex quo verbo auditores juste scandalizati sunt: quasi attentassem affirmare, parvulos sine baptismo aque in sola fide parentum interdum salvari,*

*Argentre  
pag. 391.*



Sæcul. XVI.  
A.C. 1565.

*vari, quam propositionem assero esse scandalosam, erroneam, & hæreticam, & contrariam sacræ Scripturæ, ubi Joannis cap. III. legitur, nisi quis renatus fuerit ex aqua & Spiritu sancto, non potest introire in regnum Dei. Sicuti jam antea hæc propositio per censuram ejusdem Facultatis Matris meæ jure damnata est.*

Eandem assertionem eodem anno, & mense retractabat Magister Guilielmus Senechal Parochus S. Severini in sua Ecclesia.

§. LIX.

*Colloquium in Polonia inter Pinczovienses, & spurios Reformatores.*

*Lubienieski  
in hist. re-  
form. Eccl.  
Pol.  
Sandius in  
Bibl. Antitr.  
hbi narratio  
compendiosa  
Andree  
Wissouvatii  
pag. 213.*

Cum tempus appropinquaret præstitutum, quo in Polonia Antitrinitarios, seu Pinczovienses inter, & adulterinos Reformatores colloquium celebraretur, Cardinalis Osius funesta hujus disputationis mala pertimescens Sigismundum Augustum adibat, ut hoc colloquium præpediri eidem persuaderet: equidem Proceres Catholici, qui his comitiis intererant, eandem cum hoc Cardinale sententiam fovebant, suamque ei operam ad impediendum hoc colloquium impendebant, verum Sigismundus facultatem, quam hæreticis jamjam dederat, revocare renuebat: